

BANKA E SHQIPËRISË

B U L E T I N I Z Y R T A R

vëllimi 16 numër 7 nëntor 2014

Data e botimi 19.12.2014

P Ë R M B A J T J A

1. Urdhër i Zëvendësguvernatorit të Parë Nr. Prot. 2337, datë 30.10.2014 "Për hedhjen në qarkullim të monedhave metalike shqiptare, me kurs ligjor, me vlerë nominale 1 lek dhe 10 lekë, emetim i vitit 2013"	5
2. Vendim i Këshillit Mbikëqyrës nr. 59, datë 27.10.2014 "Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes"	6
3. Vendim i Këshillit Mbikëqyrës nr. 63, datë 27.10.2014 "Për përzgjedhjen e kontrollorit të jashtëm për auditimin e pasqyrave financiare të Bankës së Shqipërisë"	7
4. Vendim i Këshillit Mbikëqyrës nr. 64, datë 26.11.2014 "Për uljen e normës së interesit të marrëveshjeve të riblerjes dhe të anasjella të riblerjes"	9
5. Vendim i Këshillit Mbikëqyrës nr. 65, datë 26.11.2014 "Për miratimin e procedurës së veçantë të prokurimit për përzgjedhjen e agjencive të udhëtimit për pajisjen e personelit të Bankës së Shqipërisë me bileta udhëtimi"	10
6. Vendim i Këshillit Mbikëqyrës nr. 66, datë 26.11.2014 "Për një shtesë në statutin e Bankës së Shqipërisë"	23
7. Treguesi i lëndës për Buletinin Zyrtar, Vëllimi 16, Numër 1, Janar 2014	24
8. Treguesi i lëndës për Buletinin Zyrtar, Vëllimi 16, Numër 2, Shkurt 2014	24
9. Treguesi i lëndës për Buletinin Zyrtar, Vëllimi 16, Numër 3, Prill 2014	25
10. Treguesi i lëndës për Buletinin Zyrtar, Vëllimi 16, Numër 4, Qershor 2014	25
11. Treguesi i lëndës për Buletinin Zyrtar, Vëllimi 16, Numër 5, Korrik 2014	26
12. Treguesi i lëndës për Buletinin Zyrtar, Vëllimi 16, Numër 6, Shtator 2014	27



REPUBLIKA E SHQIPËRISË
BANKA E SHQIPËRISË
ZËVENDËSGUVERNATORI I PARË

Nr. Prot. 2337, datë 30.10.2014

URDHËR

PËR HEDHJEN NË QARKULLIM TË MONEDHAVE METALIKE SHQIPTARE, ME KURS LIGJOR, ME VLERË NOMINALE 1 LEK DHE 10 LEKË, EMETIM I VITIT 2013

Në bazë dhe për zbatim të nenit 36, nenit 53, pika 4 të ligjit nr. 8269, datë 23.12.1997 "Për Bankën e Shqipërisë", i ndryshuar; të nenit 10 të Statutit të Bankës së Shqipërisë, miratuar me vendimin nr.100, datë 19.12.2000 të Këshillit Mbikëqyrës, i ndryshuar; të vendimit "Për rishtypjen e monedhave metalike shqiptare, me kurs ligjor me prerje 1 lek dhe 10 lekë" miratuar me vendim të Këshillit Mbikëqyrës të Bankës së Shqipërisë nr. 06, datë 17.01.2013; të nenit 3, të pikës 3.3 dhe nenit 5, të pikës 5.3 të udhëzimit "Mbi procedurat e shtypjes, rishtypjes dhe të emetimit të kartëmonedhave dhe monedhave metalike nga Banka e Shqipërisë", miratuar me vendimin nr. 36, datë 19.05.2005 të Këshillit Mbikëqyrës të Bankës së Shqipërisë; si dhe bazuar në propozimin e Departamentit të Emisionit,

URDHËROJ:

1. Hedhjen në qarkullim të monedhave metalike shqiptare me kurs ligjor me vlerë nominale, 1 lek dhe 10 lekë, emetim i vitit 2013, në datë 1 dhjetor 2014.
2. Me zbatimin e këtij urdhri ngarkohen Departamenti i Emisionit dhe Departamenti i Sistemit të Pagesave dhe Kontabilitetit dhe Financës.
3. Ngarkohet Kabineti i Guvernatorit me publikimin e këtij vendimi në Buletinin Zyrtar të Bankës së Shqipërisë.

Ky vendim hyn në fuqi menjëherë.

ELISABETA GJONI

ZËVENDËSGUVERNATORI I PARË



REPUBLIKA E SHQIPËRISË
BANKA E SHQIPËRISË
KËSHILLI MBIKËQYRËS

VENDIM

Nr. 59, datë 27.10.2014

PËR

MBAJTJEN E PANDRYSHUAR TË NORMËS SË INTERESIT TË
MARRËVESHJEVE TË RIBLERJES DHE TË ANASJELLA TË RIBLERJES

Në bazë dhe për zbatim të ligjit nr. 8269, datë 23.12.1997 "Për Bankën e Shqipërisë", i ndryshuar; me propozimin e Departamentit të Politikës Monetare, Këshilli Mbikëqyrës i Bankës së Shqipërisë,

VENDOSI:

1. Të mbajë të pandryshuar, në nivelin 2,50 për qind, normën e interesit të marrëveshjeve të riblerjes dhe të anasjella të riblerjes (REPO dhe REPO të anasjella).
2. Ngarkohen Departamenti i Politikës Monetare dhe Departamenti i Operacioneve Monetare me zbatimin e këtij vendimi.
3. Ngarkohet Kabineti i Guvernatorit për publikimin e këtij vendimi.

Ky vendim hyn në fuqi menjëherë.

SEKRETARI

ELVIS ÇIBUKU

ZËVENDËSKRYETARI

ELISABETA GJONI



REPUBLIKA E SHQIPËRISË
BANKA E SHQIPËRISË
KËSHILLI MBIKËQYRËS

VENDIM

Nr. 63, datë 27.10.2014

PËR

PËRZGJEDHJEN E KONTROLLORIT TË JASHTËM PËR AUDITIMIN
E PASQYRAVE FINANCIARE TË BANKËS SË SHQIPËRISË

Në bazë dhe për zbatim të nenit 43, shkronjat "c" dhe "g", dhe neneve 67 dhe 68 të ligjit nr. 8269, datë 23.12.1997, "Për Bankën e Shqipërisë", i ndryshuar; vendimit të Këshillit Mbikëqyrës nr. 36, datë 25.06.2014 "Për miratimin e procedurës së veçantë të prokurimit për përzgjedhjen e audituesit të jashtëm për auditimin e pasqyrave financiare të Bankës së Shqipërisë, për periudhën 2014-2018", si dhe mbështetur në raportin e vlerësimit dhe informacionit për procedurën e ndjekur nga Komisioni i Prokurimit i ngritur me urdhrin nr. 1035, datë 22.07.2014, i ndryshuar, të paraqitur nga Kryetari i Entit Prokurues, Këshilli Mbikëqyrës i Bankës së Shqipërisë,

VENDOSI:

1. Të përzgjedhë shoqërinë "KPMG ALBANIA" shpk si kontrollor të jashtëm për auditimin e pasqyrave financiare të Bankës së Shqipërisë, për periudhën 2014-2018, sipas ofertës së paraqitur pranë Bankës së Shqipërisë në datë 09.09.2014 për procedurën e prokurimit me objekt "Përzgjedhja e audituesit të jashtëm të pasqyrave financiare të Bankës së Shqipërisë për vitet 2014-2018" të miratuar me vendimin nr. 36, datë 25.06.2014 të Këshillit Mbikëqyrës të Bankës së Shqipërisë.
2. Ngarkohen Kryetari i Entit Prokurues si dhe Departamenti i Administrimit për ndjekjen e procedurave sipas pikës 11 të procedurës së veçantë të prokurimit të miratuar me vendimin nr. 36, datë 25.06.2014 të Këshillit Mbikëqyrës të Bankës së Shqipërisë.

3. Ngarkohen Departamenti i Sistemeve të Pagesave dhe i Kontabilitetit dhe Financës dhe Departamenti i Administrimit me ndjekjen e zbatimit të këtij vendimi.
4. Ngarkohet Kabineti i Guvernatorit me publikimin e këtij vendimi në Buletin Zyrtar të Bankës së Shqipërisë.

Ky vendim hyn në fuqi menjëherë.

SEKRETARI

ELVIS ÇIBUKU

ZËVENDËSKRYETARI

ELISABETA GJONI



REPUBLIKA E SHQIPËRISË
BANKA E SHQIPËRISË
KËSHILLI MBIKËQYRËS

VENDIM

Nr. 64, datë 26.11.2014

PËR

ULJEN E NORMËS SË INTERESIT TË MARRËVESHJEVE TË RIBLERJES
DHE TË ANASJELLA TË RIBLERJES

Në bazë dhe për zbatim të ligjit nr. 8269, datë 23.12.1997 "Për Bankën e Shqipërisë", të ndryshuar; me propozimin e Departamentit të Politikës Monetare, Këshilli Mbikëqyrës i Bankës së Shqipërisë,

VENDOSI:

1. Të ulë me 0.25 pikë përqindje normën e interesit të marrëveshjeve të riblerjes dhe të anasjella të riblerjes (repo dhe repo të anasjella). Norma e interesit të marrëveshjeve të riblerjes dhe të anasjella të riblerjes nga 2.5 për qind bëhet 2.25 për qind.
2. Ngarkohen Departamenti i Politikës Monetare dhe Departamenti i Operacioneve Monetare me zbatimin e këtij vendimi.
3. Ngarkohet Kabineti i Guvernatorit për publikimin e këtij vendimi.

Ky vendim hyn në fuqi në datën 27 nëntor 2014.

SEKRETARI

ZËVENDËSKRYETARI

ELVIS ÇIBUKU

ELISABETA GJONI



REPUBLIKA E SHQIPËRISË
BANKA E SHQIPËRISË
KËSHILLI MBIKËQYRËS

VENDIM

Nr. 65, datë 26.11.2014

PËR

MIRATIMIN E PROCEDURËS SË VEÇANTË TË PROKURIMIT PËR
PËRZGJEDHJEN E AGJENCIVE TË UDHËTIMIT PËR PAJISJEN E
PERSONELIT TË BANKËS SË SHQIPËRISË ME BILETA UDHËTIMI

Në bazë dhe për zbatim të nenit 43, shkronjat “c” dhe “g”, të ligjit nr. 8269, datë 23.12.1997 “Për Bankën e Shqipërisë”, i ndryshuar; të paragrafit të dytë të nenit 3, të rregullores “Për procedurat e prokurimit në Bankën e Shqipërisë”, miratuar me vendimin nr. 81, datë 15.11.2006, të Këshillit Mbikëqyrës të Bankës së Shqipërisë, i ndryshuar; dhe me propozim të Kryetarit të Entit Prokurues, Kabinetit të Guvernatorit dhe Departamentit të Burimeve Njerëzore, Këshilli Mbikëqyrës i Bankës së Shqipërisë,

VENDOSI:

1. Të miratojë procedurën e veçantë për prokurimin e objektit “Përzgjedhja e agjencive të udhëtimit për pajisjen e stafit të Bankës së Shqipërisë me bileta udhëtimi”, bashkëlidhur dhe pjesë përbërëse e këtij vendimi.
2. Fondi limit i nevojshëm për prokurimin e objektit “Përzgjedhja e agjencive të udhëtimit për pajisjen e stafit të Bankës së Shqipërisë me bileta udhëtimi” do të jetë ai i përcaktuar në buxhetin e Bankës së Shqipërisë, zëri i shpenzimeve “Bileta (avioni/treni/autobuzi)”.
3. Me përjashtim të rasteve kur është parashikuar ndryshe në procedurën e miratuar me këtë vendim, për prokurimin e objektit “Përzgjedhja e agjencive të udhëtimit për pajisjen e stafit të Bankës së Shqipërisë me bileta udhëtimi” do të zbatohen dispozitat e zbatueshme të parashikuara për procedurën e prokurimit “Tender i Hapur

Kombëtar", në rregulloren "Për procedurat e prokurimit në Bankën e Shqipërisë", miratuar me vendimin nr. 81, datë 15.11.2006, të Këshillit Mbikëqyrës, i ndryshuar.

4. Procedura e veçantë, e parashikuar në këtë vendim, të zbatohet sa herë që të kërkohet prokurimi i objektit "Përzgjedhja e agjencive të udhëtimit për pajisjen e stafit të Bankës së Shqipërisë me bileta udhëtimi".
5. Ngarkohen Kryetari i Entit Prokurues, Departamenti i Administrimit, Departamenti i Burimeve Njerëzore si dhe Kabineti i Guvernatorit, me zbatimin e këtij vendimi.
6. Ngarkohet Kabineti i Guvernatorit me publikimin e këtij vendimi në Buletinin Zyrtar të Bankës së Shqipërisë.

Ky vendim hyn në fuqi menjëherë.

SEKRETARI

ZËVENDËSKRYETARI

ELVIS ÇIBUKU

ELISABETA GJONI

PROCEDURA E VEÇANTË

PËR PROKURIMIN E OBJEKTIT "PËRZGJEDHJA E AGJENCIVE TË UDHËTIMIT PËR PAJISJEN E STAFIT TË BANKËS SË SHQIPËRISË ME BILETA UDHËTIMI"

PËRMBAJTJA

1. Objekti
2. Baza ligjore
3. Përkufizime
4. Fondi limit
5. Sigurimi i ofertës
6. Njoftimet
7. Dokumentet e tenderit
8. Disponueshmëria e dokumenteve të tenderit
9. Subjektet pjesëmarrëse
10. Hapja dhe shqyrtimi i dokumentacionit
11. Kriteret e vlerësimit
12. Vlerësimi, klasifikimi dhe përzgjedhja e kandidatëve fitues
13. Shpallja e ofertave fituese
14. Kontrata
15. Anulimi dhe/ose përsëritja e procedurës së prokurimit
16. Procesi i minikonkurrencës

1. Objekti

Objekti i kësaj procedure të veçantë prokurimi, është përcaktimi i kriterëve, kushteve dhe procedurave për përzgjedhjen e agjencive së udhëtimit për pajisjen e stafit të Bankës së Shqipërisë me bileta udhëtimi.

2. Baza ligjore

Kjo procedurë e veçantë është hartuar në bazë dhe për zbatim të rregullores "Për procedurat e prokurimit në Bankën e Shqipërisë", miratuar me vendimin nr. 81, datë 15.11.2006, të Këshillit Mbikëqyrës të Bankës së Shqipërisë, i ndryshuar.

3. Përkufizime

Termet e përdorur në këtë procedurë të veçantë, kanë të njëjtin kuptim me termat e përkufizuar ose të përdorur në rregulloren "Për procedurat e prokurimit në Bankën e Shqipërisë", miratuar me vendimin nr. 81, datë 15.11.2006, të Këshillit Mbikëqyrës të Bankës së Shqipërisë, i ndryshuar.

Përveç sa parashikohet më sipër, për qëllime të zbatimit të kësaj procedure të veçantë prokurimi, termat e mëposhtëm do të kenë këto kuptime:

- a) IATA – *The international Air Transport Association*;
- b) Sisteme kompjuterike rezervimi – Amadeus, Galileo, etj.;
- c) Banka – është Banka e Shqipërisë;
- d) Njësitë përgjegjëse – janë njësitë të cilat në bazë dhe për zbatim të rregulloreve përkatëse duhet të kryejnë procedurat për pajisjen me biletë të stafit, administratorëve dhe anëtarëve të Këshillit Mbikëqyrës të Bankës (si Departamenti i Burimeve Njerëzore, Kabineti i Guvernatorit);
- e) Ofertë ekonomike - është komisioni (marzhi i fitimit i shprehur në vlerë absolute) që do të aplikohet për çdo biletë që do të blihet nga Banka e Shqipërisë.

4. Fondi limit

- 4.1 Fondi limit, nënkupton vlerën monetare që përcaktohet në buxhetin e Bankës, zëri i shpenzimeve "Bileta (avioni/treni/ autobuzi)". Fondi limit, referuar buxhetit të Bankës është fondi me të cilin do të lidhet kontrata me kandidatët fitues.
- 4.2 Fondi limit sipas buxhetit të Bankës, nuk do t'i nënshtrohet procedurave për rishikimin e tij, sipas rregullores "Për procedurat e prokurimit në Bankën e Shqipërisë", miratuar me vendimin nr. 81, datë 15.11.2006, të Këshillit Mbikëqyrës të Bankës së Shqipërisë, i ndryshuar.

5. Sigurimi i ofertës

- 5.1 Kandidati duhet të paraqesë sigurimin e ofertës për garantimin e përmbushjes së detyrimeve gjatë zhvillimit të procedurës deri në nënshkrimin e kontratës.
- 5.2 Sigurimi i ofertës, do të pranohet në formën e garancisë bankare ose të garancisë së lëshuar nga shoqëritë e sigurimeve apo të subjekteve jobanka të licencuara nga Banka.

6. Njoftimet

- 6.1 Njoftimi për procedurën e veçantë do të bëhet nëpërmjet publikimit të tij në të paktën dy gazeta vendase me tirazhin më të madh, në tre numra të njëpasnjëshëm të tyre, në Buletin zyrtar të Agjencisë së Prokurimit Publik (APP), në faqen zyrtare të internetit të Bankës.

Njoftimi për tender do të përmbajë:

- *Fondin limit të vënë në dispozicion;*
- *Objektin e prokurimit;*
- *Procedurën e prokurimit;*
- *Vendin dhe çmimin e tërheqjes së dokumenteve të tenderit;*
- *Vendin, datën dhe orën e hapjes së dokumenteve të tenderit;*

7. Dokumentet e tenderit

Dokumentet e tenderit duhet të përmbajnë gjithë informacionin e nevojshëm për të përgatitur ofertën si dhe të përmbajnë informacion të mjaftueshëm, në mënyrë që konkurrenca ndërmjet kandidatëve në tender të bëhet mbi bazën e kushteve të plota, të paanshme dhe objektive.

Dokumentet e tenderit duhet të përmbajnë të paktën:

- a) të dhëna përshkuese të objektit që do të prokurohet;
- b) udhëzime për përgatitjen dhe paraqitjen e ofertave dhe të dokumentacionit shoqërues;
- c) afatin e fundit të pranimit të ofertave, adresën ku duhen dërguar ato, datën, orën, vendin ku do të bëhet hapja e tyre, si dhe njoftimin që ofertuesit ose përfaqësuesit e autorizuar prej tyre janë të lejuar të ndjekin hapjen e ofertave;
- d) periudhën minimale gjatë të cilës oferta duhet të jetë e vlefshme;
- e) kriteret për vlerësimin e ofertave dhe të shpalljes së kandidatëve fitues;
- f) formularin e ofertës, i cili duhet të përmbajë konfirmimin e kandidatit për vlerën monetare (komisionin/marzhin e fitimit në vlerë absolute që do të aplikohet për çdo biletë) me të cilën ai merr përsipër realizimin e objektit të prokurimit, si dhe deklarimin e tij se oferta e tij është në përputhje me kushtet e kontratës dhe me të dhënat në dokumentet e tenderit;
- g) kushtet e përgjithshme dhe specifike të kontratës sipas objektit të prokurimit;
- h) kushtin e sigurimit të ofertës;
- i) një klauzolë ku shprehet se Banka e Shqipërisë mund t'i refuzojë të gjitha ofertat në çfarëdo kohe përpara shpalljes së ofertës fituese;
- j) referimin që i bëhet rregullores "Për procedurat e prokurimit në Bankën e Shqipërisë" si dhe këtij vendimi për procedurën e veçantë, si baza rregullatore mbi të cilën mbështeten prokurimet në Bankën e Shqipërisë, në mbështetje të së cilës janë hartuar dokumentet e tenderit.

8. Disponueshmëria e dokumenteve të tenderit

8.1 Kandidatët e interesuar mund të tërheqin dokumentet e tenderit pranë Sektorit të Prokurimit në Departamentin e Administrimit

të Bankës. Dokumentet e tenderit do t'u vihen në dispozicion kandidatëve brenda një kohe sa më të shkurtër, me një çmim që synon të mos e kalojë koston e riprodhimit dhe të dorëzimit të tyre deri te kandidatët, në mënyrën e specifikuar në njoftimin për tender.

8.2 Afati nga data e fundit e shpalljes së njoftimit në gazetë deri në datën e pranimit të ofertave duhet të jetë jo më pak se 20 ditë kalendarike.

9. Subjektet pjesëmarrëse

9.1 Çdo shoqëri që do të marrë pjesë në këtë procedurë, do të quhet kandidate dhe duhet të paraqesë/plotësojë dokumentet/kërkesat e mëposhtme për kualifikim:

- a) Dokument që vërteton se kandidati është i regjistruar si person fizik ose juridik (Ekstrakt nga QKR);
- b) Sigurimi i ofertës (vetëm në origjinal);
- c) Dokument që vërteton se kandidati nuk ndodhet në proces falimentimi apo likuidimi (lëshuar nga QKR);
- d) Dokument që vërteton se kandidati nuk është në ndjekje penale (lëshuar nga Prokuroria për përfaqësuesin/it ligjor/ë);
- e) Dokument që vërteton se kandidati nuk është në proces gjyqësor që lidhet me aktivitetin (lëshuar nga Gjykata për proceset civile);
- f) Dokument që vërteton që kandidati nuk ka detyrime kundrejt të tretëve (lëshuar nga Zyra e Përmbarimit Gjyqësor);
- g) Dokument që vërteton se kandidati ka përmbushur detyrimet e tij fiskale (lëshuar nga organet tatimore);
- h) Dokument që vërteton se kandidati ka shlyer detyrimet për sigurimet shoqërore (lëshuar nga organet tatimore);
- i) të jetë i pajisur me certifikatë akreditimi lëshuar nga IATA. Për këtë kërkesë, kandidatët duhet të paraqesin certifikatën origjinale apo kopjen e noterizuar lëshuar nga IATA;
- j) të jetë detyrimisht përdorues i sistemeve kompjuterike të rezervimit Amadeus ose Galileo etj. (të paraqitet dokument vërtetues);
- k) të paraqesë për çdo punonjës të certifikuar nga IATA, certifikatën përkatëse dhe vërtetimet për kontributet e sigurimeve shoqërore e shëndetësore për individë/ kontratat e punës;
- l) të ketë në stafin e tij minimalisht 3 punonjës në funksionin e operatorit (të paraqiten vërtetimet për kontributet e sigurimeve shoqërore e shëndetësore për individë/ kontratat e punës;
- m) të ketë jo më pak se 3 vjet eksperiencë në treg, e vërtetuar me certifikatë IATA;
- n) të ketë një xhiro mesatare vjetore të tre viteve të fundit me vlerë jo më të ulët se fondi limit. Për këtë kërkesë të paraqitet një dokument i lëshuar nga administrata tatimore, ku të vërtetohet xhiroja e 3 (tre) viteve të fundit;

- o) të deklarojë se:
 - (i) është ofertues i të gjitha linjave ajrore në Shqipëri;
 - (ii) një punonjës/operator do të jetë në dispozicion të Bankës për kryerjen e këtij shërbimi. Ky operator do të shërbejë si pikë kontakti me Bankën.

9.2 Komisioni i Prokurimit ka të drejtë të vendosë kërkesa dhe kritere të tjera shtesë për kualifikimin e kandidatëve, përveç atyre të përcaktuara më sipër.

9.3 Do të skualifikohet çdo kandidat, në qoftë se konstatohet në çdo kohë, deri në nënshkrimin e kontratës, që informacionet e paraqitura lidhur me kualifikimin ose të dhënat që kanë lidhje me vlerësimin e tij ose të ofertës së tij, janë të rreme, të pasakta ose jo të plota.

10. Hapja dhe shqyrtimi i dokumentacionit

Hapja dhe shqyrtimi i dokumentacionit do të bëhet si më poshtë:

Kandidatët në datën e caktuar për hapjen e dokumentacionit do të paraqesin njëkohësisht dy zarfe të mbyllur e të vulosur. Njërën me mbishkrimin "Dokumentet e kualifikimit" (të cilët duhet të jenë sipas "kërkesave për kualifikim", pjesë e këtyre dokumenteve të tenderit), dhe zarfin tjetër me mbishkrimin "Ofertë ekonomike" (komisioni që do të aplikohet për çdo biletë/marzhi i fitimit i shprehur në vlerë absolute).

Në zarfet shkruhet emri dhe adresa e Bankës së Shqipërisë, objekti i prokurimit, emri dhe adresa e kandidatit si dhe data dhe ora e hapjes së dokumentacionit (në përputhje me dokumentet e tenderit). Pranimi dhe hapja e dokumentacionit do të bëhen në kohën dhe vendin e caktuar në dokumentet e tenderit. Zarfet e paraqitura me vonesë nuk do të hapen dhe do t'i kthehen dërguesit. Në hapje lejohen të marrin pjesë kandidatët ose përfaqësuesit e autorizuar të tyre.

Në datën, orën dhe vendin e njoftuar, Komisioni i Prokurimit, në prani të kandidatëve ose të përfaqësuesve ligjorë apo të autorizuar prej tyre të paraqitur, hap dhe shqyrton dokumentacionin vërtetues për plotësimin e kërkesave për kualifikim, të përcaktuara në dokumentet e tenderit (zarfi me shënimin "Dokumentet e kualifikimit").

Komisioni, pas hapjes së dokumentacionit për kualifikim, shqyrton, vlerëson dhe verifikon nëse dokumentacioni i paraqitur nga secili kandidat, është i plotë, i saktë dhe në përputhje me përcaktimet e bëra në dokumentet e tenderit.

Në rast se kandidati nuk ka plotësuar kërkesat për kualifikim, ai skualifikohet. Kandidatëve të skualifikuar do t'u kthehen të pahapura

zarfet me ofertën ekonomike (komisionin që do të aplikohet për çdo biletë /marzhi i fitimit).

Komisioni pasi ka deklaruar kandidatët e skualifikuar për shkak të mosplotësimit të kërkesave për kualifikim, në praninë e kandidatëve të kualifikuar hap zarfin me ofertën ekonomike (komisionin që do të aplikohet për çdo biletë/marzhi i fitimit në vlerë absolute) të secilit prej tyre duke e lexuar me zë të lartë.

Komisioni do të skualifikojë çdo kandidat në rast se konstaton, se oferta e paraqitur (komisioni që do të aplikohet për çdo biletë/marzhi i fitimit në vlerë absolute) është jo i saktë dhe në kundërshtim me dokumentet e tenderit.

Komisioni do të skualifikojë çdo kandidat në rast se konstaton, se kandidati nuk ka paraqitur ofertë ekonomike (komisionin/marzhin e fitimit në vlerë absolute), që do të aplikohet për çdo rast bilete të mbyllur/ të blerë.

Në përfundim të këtij procesi, Komisioni i Prokurimit harton procesverbalin përkatës, një kopje e të cilit u jepet dhe kandidatëve.

Pas mbajtjes së procesverbalit përkatës, kandidatët largohen dhe Komisioni i Prokurimit vijon me shqyrtimin dhe vlerësimin e dokumentacionit të paraqitur.

11. Kriteret e vlerësimit

Oferta ekonomike (Komisioni që do të aplikohet për çdo biletë /marzhi i fitimit në vlerë absolute)	80 pikë
Eksperienca në treg (më shumë vite) e vërtetuar në certifikatë IATA	10 pikë
Numri më i lartë i të punësuarve në këtë shoqëri të pajisur me certifikatë nga IATA	10 pikë

- Kandidati i cili do të paraqesë ofertën ekonomike më të mirë (Komisionin/marzhin e fitimit për çdo biletë të shprehur në vlerë absolute më të ulët) do të vlerësohet me 80 pikë;
- Kandidati i cili do të vërtetojë eksperiencën më të gjatë në treg me certifikatë IATA do të vlerësohet me 10 pikë;
- Kandidati i cili do të vërtetojë se disponon numrin më të madh të punonjësve me licencë IATA do të vlerësohet me 10 pikë.

Llogaritja e pikëve do të bëhet me formulën: $P_i = V_{min} \times P_{max} / V_i$, ku: P_i janë pikët e ofertës që vlerësohet; P_{max} janë pikët maksimale; V_i është vlera e ofertës që vlerësohet/eksperienca në treg me certifikatë IATA/ numri i punonjësve dhe V_{min} është vlera e ofertës ekonomike më

të ulët/eksperiencës më të gjatë në treg me certifikatë IATA/ numri më i madh i punonjësve me certifikatë IATA.

Vlera e komisionit që do të aplikohet për çdo biletë (vlera absolute e marzhit të fitimit) nuk do të jetë më e lartë se ajo e paraqitur në ofertën ekonomike, përgjatë gjithë kohëzgjatjes së kontratës.

12. Vlerësimi, klasifikimi dhe përzgjedhja e kandidatëve fitues

Oferta do të konsiderohet e vlefshme vetëm nëse ajo plotëson kërkesat e dokumenteve të tenderit.

Gjatë shqyrtimit të ofertës nuk duhet të kërkohej, të ofrohet apo të lejohet asnjë ndryshim në përmbajtjen e ofertës.

Përjashtimisht nga paragrafi i mësipërm, komisioni duhet të korrigjojë gabimet aritmetike që zbulohen gjatë shqyrtimit të ofertave. Komisioni, me pranimin e kandidatit do të korrigjojë shumën totale të ofertës, e cila do të jetë e detyrueshme për kandidatin. Mospranimi i korrigjimit është kusht skualifikues. Korrigjimi i gabimeve aritmetike do të bëhet si më poshtë:

(a) aty ku ka mospërputhje midis çmimit në shifra dhe në fjalë, do të merret në konsideratë çmimi në fjalë.

Komisioni i Prokurimit mund ta konsiderojë një ofertë të vlefshme edhe nëse:

a) ajo përmban devijime të vogla, të cilat materialisht nuk ndryshojnë ose devijojnë kushtet dhe kërkesat e tjera, të përcaktuara në dokumentet e tenderit ose të ftesës për kuotim;

b) oferta përmban gabime apo lapsuse, të cilat mund të korrigjohen pa prekur përmbajtjen e ofertës.

Komisioni i Prokurimit shqyrton dokumentacionin e paraqitur dhe ofertën ekonomike (komisionin/marzhin e fitimit në vlerë absolute që do të aplikohet për çdo biletë) dhe bën vlerësimin dhe klasifikimin në përputhje me kriteret e vlerësimit të caktuara sipas sistemit të pikëzimit në dokumentet e tenderit. Për këtë qëllim, Komisioni harton dhe një raport vlerësues i cili nënshkruhet nga të gjithë anëtarët e Komisionit të Prokurimit.

Komisioni i Prokurimit, mbështetur në pikët e marra sipas kriterëve të vlerësimit bën përzgjedhjen e ofertave fituese të tre kandidatëve të renditur të parët me të cilët do të zhvillohet më pas procesi i minikonkurrencës. Vendimi firmoset nga të gjithë anëtarët e komisionit. Në të mund të shprehen votat kundër, qëndrimet, mendimet, pretendimet dhe argumentet e anëtarëve për to, në rast se ka të tilla.

Në rastet e procedurave të rihapura sipas pikave 14.4 dhe 14.5 të kësaj procedure, si kandidatë fitues do të përzgjidhen aq subjekte sa nevojiten për plotësimin e numrit të kandidatëve me të cilët do të zhvillohet procesi i minikonkurrencës (3 në total).

Në përfundim të vlerësimit të ofertave të vlefshme, Kryetari i Komisionit të Prokurimit ka për detyrë të paraqesë tek Kryetari i Entit Prokurues, vendimin dhe raportin e Komisionit të Prokurimit shoqëruar me një informacion përmbledhës për të gjithë procedurën e ndjekur.

13. Shpallja e ofertave fituese

Brenda 2 javëve nga përzgjedhja e tre kandidatëve të renditur të parët (fitues) nga Komisioni i Prokurimit, Kryetari i Entit Prokurues (KEP) bën shpalljen, duke nënshkruar njoftimet për kandidatët fitues, me të cilët do të zhvillohet procesi i minikonkurrencës.

Spektori i Prokurimit dërgon njoftimet për kandidatët fitues, si dhe njofton të gjithë kandidatët e tjerë për klasifikimin dhe pikët përkatëse të marra sipas kriterit të vlerësimit.

Bazuar në shpalljen e Kryetarit të Entit Prokurues, Departamenti i Administrimit ndërmerr hapat e nevojshëm për lidhjen e kontratave me kandidatët të cilët janë shpallur fitues. Kontrata do të lidhet vetëm pasi të ketë kaluar afati 10-ditor, i parashikuar për ankimin administrativ.

14. Kontratat

14.1 Në përfundim të procedurës së veçantë të prokurimit, kontratat do të lidhen me kandidatët të cilët janë shpallur fitues. Kontratat me kandidatët fitues do të lidhen për një periudhë jo më të gjatë se një vit dhe brenda fondit limit.

14.2 Kontrata duhet të specifikojë:

- a) fondin limit me të cilin do të lidhen kontratat me të tre kandidatët brenda të cilit do të realizohet blerja e biletave të udhëtimit për punonjësit e Bankës;
- b) specifikimet teknike për shërbimet që do të kryhen objekt kontrate;
- c) kushte të tjera thelbësore të cilat mund të vendosen nga Banka.

14.3 Nëse ndonjëri ose disa nga kandidatët fitues, brenda afatit kohor të përcaktuar në njoftim, nuk pranojnë të lidhin kontratën apo të paraqesin sigurimin e kontratës, Banka bën konfiskimin e sigurimit të ofertës dhe shpall fitues kandidatin e renditur në vijim në klasifikim.

14.4 Në rast të situatës së parashikuar në pikën 14.3, kur nuk rezulton/jnë kandidat/ë tjetër/të tjerë në klasifikim që të pranojë/jnë të lidhin kontratën, procedura do të rihapet për plotësimin e numrit të kandidatëve me të cilët do të zhvillohet procesi i minikonkurrencës (tre në total).

14.5 Në rast zgjidhjeje të kontratës me ndonjërin prej 3 kandidatëve fitues, procedura e prokurimit do të rihapet për plotësimin e numrit të kandidatëve me të cilët do të zhvillohet procesi i minikonkurrencës (tre në total).

14.6 Kur lind një situatë e tillë sipas paragrafëve 4 dhe 5, Departamenti i Administrimit relatohet me shkrim të KEP dhe KEP vendos rihapjen e procedurës së re të prokurimit për plotësimin e numrit të kandidatëve.

14.7 Në çdo rast deri në plotësimin e numrit të kandidatëve si më sipër, Banka do të vazhdojë të kryejë shërbimin me kandidatin ose kandidatët me të cilët ka një kontratë në fuqi.

15. Anulimi dhe/ose përsëritja e procedurës së prokurimit

Procedura e prokurimit mund të anulohet dhe/ose përsëritet plotësisht, kur:

- a) pas shpalljes së njoftimeve në gazeta, Buletin e APP-së dhe faqen zyrtare të internetit të Bankës shfaqin interes dhe paraqesin zarfet me dokumentacionet përkatëse, më pak se 3 kandidatë;
- b) asnjë kandidat nuk kualifikohet ose kualifikohen vetëm 2 kandidatë;
- c) asnjë ofertë nuk plotëson kërkesat e dokumenteve të tenderit, ose i plotësojnë vetëm dy prej tyre;
- d) vendoset nga Kryetari i Entit Prokurues deri para shpalljes së fituesve, për shkak të të metave të konstatuara;
- e) vendoset nga Guvernatori në përputhje me nenin 56 të rregullores së prokurimit;
- f) asnjë prej kandidatëve nuk pranon të lidhë kontratën.

Kur procedura e prokurimit anulohet, data e hapjes caktohet në respektim të afateve përkatëse të njoftimit të përcaktuar në këtë vendim.

Pas çdo anulimi si më sipër të procedurës së prokurimit, Komisioni bën raportimin përkatës për Kryetarin e Entit Prokurues dhe Kryetari i Entit Prokurues ka të drejtë të vendosë bazuar dhe në sqarimin e komisionit

t'i drejtohet Këshillit Mbikëqyrës për të kërkuar ndryshimin e formës së procedurës së prokurimit ose të ndonjë pjese të saj.

Në rastet kur vendoset anulimi dhe/ose përsëritja e procedurës së prokurimit, Banka e Shqipërisë nuk ka detyrimin të rimbursojë, kompensojë ose zhdëmtojë në asnjë mënyrë shpenzimet e subjekteve ose të kandidatëve, që rrjedhin nga anulimi ose përsëritja e procedurës së prokurimit.

16. Procesi i minikonkurrencës

Në përfundim të procedurës së prokurimit, kandidatëve fitues me të cilët është lidhur kontrata do t'u bëhet ftesë për të marrë pjesë në procesin e minikonkurrencës. Procesi i minikonkurrencës do të organizohet përgjatë gjithë kohëzgjatjes së kontratës, nga njësitë përgjegjëse të Bankës sa herë do të evidentohet nevoja për bileta deri në konsumimin e fondit të vënë në dispozicion.

Me përcaktimin e datave të aktiviteteve për çdo rast, njësia përgjegjëse sipas kërkesës më të afërt do të organizojë procesin e minikonkurrencës me kandidatët palë në kontratë.

Ftesa për ofertë do t'u drejtohet të tre kandidatëve, me e-mail nga stafi përgjegjës i BSH. Në rast pamundësie komunikimi me e-mail ftesa mund të dërgohet dorazi, me faks apo mjete të tjera komunikimi.

Në ftesën për ofertë drejtuar të tre kandidatëve fitues do të përcaktohet saktë:

- sasia e biletave që do të nevojiten;
- destinacioni i udhëtimit;
- koha kur do të kryhet ky shërbim;
- kërkesa të tjera të cilat do të vendosen sipas rastit.

Brenda datës së caktuar në ftesë për dorëzimin e ofertave, kandidatët duhet të dorëzojnë ofertat e tyre me e-mail.

Njësia përgjegjëse do të bëjë shqyrtimin e ofertave të paraqitura dhe përzgjedhjen e ofertës me çmimin më të ulët.

Kandidatët të cilët do të ftohen në procesin e minikonkurrencës duhet të paraqesin për çdo udhëtim të kërkuar nga Banka, informacion të detajuar mbi strukturën e çmimit.

Gjatë procesit të minikonkurrencës, vlera e komisionit që do të ofrohet për çdo biletë nga kandidatët (vlera absolute e marzhit të fitimit) nuk do të jetë më e lartë se ajo e paraqitur në ofertën ekonomike gjatë procedurës së prokurimit (të parashikuar edhe në kontratë, por mund të jetë më e ulët ose e barabartë me këtë vlerë).

Bazuar në kontratën e lidhur me secilin kandidat kryhet pagesa për shërbimin e ofruar.

Në rast se pas vlerësimit të ofertave ekonomike, rezultojnë oferta pretendente të barabarta, oferta fituese do të jetë përgjigjja e parë e paraqitur ndaj ftesës për ofertë.



REPUBLIKA E SHQIPËRISË
BANKA E SHQIPËRISË
KËSHILLI MBIKËQYRËS

VENDIM

Nr. 66, datë 26.11.2014

PËR

NJË SHITESË NË STATUTIN E BANKËS SË SHQIPËRISË

Në mbështetje të nenit 43, shkronja "f" të ligjit nr. 8269, datë 23.12.1997 "Për Bankën e Shqipërisë", i ndryshuar; nenit 20.1 të Statutit të Bankës së Shqipërisë, miratuar me vendimin nr.100, datë 19.12.2000 të Këshillit Mbikëqyrës, i ndryshuar; me propozim të Zëvendësguvernatorit të Parë, Këshilli Mbikëqyrës i Bankës së Shqipërisë,

VENDOSI:

1. Pas pikës 14.3 të Statutit të Bankës së Shqipërisë, miratuar me vendimin nr.100, datë 19.12.2000 të Këshillit Mbikëqyrës, i ndryshuar, shtohet pika 14.4 me përmbajtje si më poshtë:

"Afati i përcaktuar në pikën 14.3 të këtij neni mund të shtyhet deri në një vit tjetër me miratim të Këshillit Mbikëqyrës."

2. Ngarkohen të gjitha departamentet e Bankës së Shqipërisë me zbatimin e këtij vendimi.
3. Ngarkohet Kabineti i Guvernatorit me publikimin e këtij vendimi në Buletinin Zyrtar të Bankës së Shqipërisë.

Ky vendim hyn në fuqi menjëherë.

SEKRETARI

ZËVENDËSKRYETARI

ELVIS ÇIBUKU

ELISABETA GJONI

TREGUESI I LËNDËS PËR BULETININ ZYRTAR VËLLIMI 16, NUMËR 1,
JANAR 2014

1. Urdhër nr. Prot. 43, datë 09.01.2014, "Për miratimin e metodologjisë "Për raportimin e instrumenteve të pagesave""
2. Urdhër nr. Prot. 202, datë 04.10.2013, "Për miratimin e licencës për subjektin Paylink sh.a si operator skeme kombëtare pagesash me kartë"
3. Licencë nr. 1, datë 04.10.2013, "Operator skeme kombëtare pagesash me kartë"
4. Vendim i Këshillit Mbikëqyrës nr. 3, datë 29.01.2014, "Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes"
5. Vendim i Këshillit Mbikëqyrës nr. 4, datë 29.01.2014, "Për miratimin e disa ndryshimeve në rregulloren "Për funksionimin e sistemit të klerimit të pagesave me vlerë të vogël (AECH)""
6. Vendim i Këshillit Mbikëqyrës nr. 5, datë 29.01.2014, "Për miratimin e disa ndryshimeve në rregulloren "Për funksionimin e sistemit të pagesave ndërbankare me vlerë të madhe – AIPS""
7. Vendim i Këshillit Mbikëqyrës nr. 6, datë 29.01.2014, "Për miratimin e rregullores "Mbi organizimin dhe funksionimin e Departamentit të Stabilitetit Financiar dhe të Statistikave""
8. Vendim i Këshillit Mbikëqyrës nr. 7, datë 29.01.2014, "Për disa ndryshime në rregulloren "Mbi organizimin dhe funksionimin e Departamentit të Administrimit""

TREGUESI I LËNDËS PËR BULETININ ZYRTAR VËLLIMI 16, NUMËR 2,
SHKURT 2014

1. Vendim i Këshillit Mbikëqyrës nr. 8, datë 26.02.2014, "Për uljen e normës së interesit të marrëveshjeve të riblerjes dhe të anasjella të riblerjes"
2. Vendim i Këshillit Mbikëqyrës nr. 9, datë 26.02.2014, "Për miratimin e dokumentit "Politika e Mbikëqyrjes""
3. Vendim i Këshillit Mbikëqyrës nr. 10, datë 26.02.2014, "Për miratimin e rregullores "Për administrimin e rrezikut nga ekspozimet e mëdha të bankave""
4. Vendim i Këshillit Mbikëqyrës nr. 11, datë 26.02.2014, "Për miratimin e udhëzimit "Mbi planet e rimëkëmbjes""
5. Vendim i Këshillit Mbikëqyrës nr. 12, datë 26.02.2014, "Për një ndryshim në rregulloren "Mbi garancitë në operacionet kredituese të Bankës së Shqipërisë""
6. Vendim i Këshillit Mbikëqyrës nr. 13, datë 26.02.2014, "Për disa ndryshime në rregulloren "Mbi marrëveshjet e riblerjes dhe të anasjella të riblerjes""
7. Vendim i Këshillit Mbikëqyrës nr. 15, datë 26.02.2014, "Për rishtypjen e kartëmonedhave shqiptare me kurs ligjor, me prerje 1000 Lekë dhe 500 Lekë"

8. Vendim i Këshillit Mbikëqyrës nr. 16, datë 26.02.2014, "Për rishtypjen e monedhës metalike shqiptare me kurs ligjor, me prerje 5 Lekë"
9. Vendim i Këshillit Mbikëqyrës nr. 20, datë 26.02.2014, "Për miratimin e rregullores "Për procedurat e blerjes së vlerave numizmatike në Bankën e Shqipërisë""
10. Vendim i Këshillit Mbikëqyrës nr. 21, datë 27.02.2014, "Për miratimin e "Raportit Vjetor të Bankës së Shqipërisë për vitin 2013""
11. Vendim i Këshillit Mbikëqyrës nr. 22, datë 27.02.2014, "Për disa shtesa dhe ndryshime në rregulloren "Për administrimin e rrezikut të kredisë nga bankat dhe degët e bankave të huaja""

TREGUESI I LËNDËS PËR BULETININ ZYRTAR VËLLIMI 16, NUMËR 3,
PRILL 2014

1. Vendim i Këshillit Mbikëqyrës nr. 23, datë 27.03. 2014, "Për mbajtjen e pandryshuar të normës së interesit të marrëveshjeve të riblerjes dhe të anasjellta të riblerjes"
2. Vendim nr. 25, datë 27.03.2014, "Për shtypjen e kartëmonedhës shqiptare me kurs ligjor, me vlerë nominale 10000 lekë"
3. Vendim i Këshillit Mbikëqyrës nr. 27, datë 27.04.2014, "Për miratimin e Raportit të Politikës Monetare për tremujorin e parë të vitit 2014"
4. Vendim i Këshillit Mbikëqyrës nr. 28, datë 30.04.2014, "Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes"
5. Vendim i Këshillit Mbikëqyrës nr. 29, datë 30.04.2014, "Për miratimin e Raportit të Stabilitetit Financiar për gjashtëmujorin e dytë të vitit 2013"
6. Vendim i Këshillit Mbikëqyrës nr. 30, datë 30.04.2014, "Për miratimin e realizimit të objektit të prokurimit "Shërbimi i mirëmbajtjes së sistemit të menaxhimit të thesarit *Inforex Loro*" nëpërmjet një kontrate me kohëzgjatje 3-vjeçare"
7. Vendim i Këshillit Mbikëqyrës nr. 31, datë 30.04.2014, "Për disa shtesa dhe ndryshime në rregulloren "Për licencimin, organizimin, veprimtarinë dhe mbikëqyrjen e zyrave të këmbimit valutor""
8. Vendim i Këshillit Mbikëqyrës nr. 32, datë 30.04.2014, "Për miratimin e dokumentit "Politika e mbikëqyrjes së sistemeve të pagesave dhe të shlyerjes""

TREGUESI I LËNDËS PËR BULETININ ZYRTAR VËLLIMI 16, NUMËR 4,
QERSHOR 2014

1. Vendim i Këshillit Mbikëqyrës nr. 33, datë 30.05.2014, "Për uljen e normës së interesit të marrëveshjeve të riblerjes dhe të anasjella të riblerjes"

2. Vendim i Këshillit Mbikëqyrës nr. 34, datë 30.05.2014, "Për miratimin e rregullores "Mbi funksionimin e sistemit *Portfolio Analytics Tool 2* (Pat2) në Bankën e Shqipërisë""
3. Urdhër nr. prot. 1438, datë 10.06.2014, "Për pezullimin e licencës të subjektit financiar jobankë "Platinum Investment" sh.p.k."
4. Vendim i Këshillit Mbikëqyrës nr. 35, datë 25.06.2014, "Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes"
5. Vendim i Këshillit Mbikëqyrës nr. 36, datë 25.06.2014, "Për miratimin e procedurës së veçantë të prokurimit "Për përzgjedhjen e audituesit të jashtëm të pasqyrave financiare të Bankës së Shqipërisë""
6. Vendim i Këshillit Mbikëqyrës nr. 37, datë 25.06.2014, "Për miratimin e rregullores "Për organizimin dhe funksionimin e Komitetit Kombëtar të Sistemit të Pagesave""
7. Vendim i Këshillit Mbikëqyrës nr. 38, datë 25.06.2014, "Për miratimin e disa ndryshimeve në rregulloren "Mbi minimumin e rezervës së detyruar mbajtur në Bankën e Shqipërisë nga bankat""
8. Vendim i Këshillit Mbikëqyrës nr. 39, datë 25.06.2014, "Për miratimin e normës së interesit për remunerimin e rezervës së detyruar dhe të tepricave të subjekteve bankare"
9. Vendim i Këshillit Mbikëqyrës nr. 40, datë 25.06.2014, "Për shtypjen e monedhave metalike për qëllime numizmatike, në vitet 2014 dhe 2015"

TREGUESI I LËNDËS PËR BULETININ ZYRTAR VËLLIMI 16, NUMËR 5, KORRIK 2014

1. Licencë nr. 29, datë 21.04.2014 "Për të vepruar si subjekt financiar jobankë në Republikën e Shqipërisë"
2. Vendim i Këshillit Mbikëqyrës nr. 42, datë 30.07.2014, "Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes"
3. Vendim i Këshillit Mbikëqyrës nr. 43, datë 30.07.2014, "Për një shtesë në rregulloren "Për raportin e mjaftueshmërisë së kapitalit""
4. Vendim i Këshillit Mbikëqyrës nr. 45, datë 31.07.2014, "Për lirimin nga detyra të drejtorit të Departamentit të Sigurimit dhe Mbrojtjes të Bankës së Shqipërisë"
5. Vendim i Këshillit Mbikëqyrës nr. 46, datë 31.07.2014, "Për lirimin nga detyra të drejtorit të Departamentit të Emisionit të Bankës së Shqipërisë"
6. Vendim i Këshillit Mbikëqyrës nr. 47, datë 31.07.2014, "Për një shtesë në rregulloren e "Funksionimit të Këshillit Mbikëqyrës të Bankës së Shqipërisë""

TREGUESI I LËNDËS PËR BULETININ ZYRTAR VËLLIMI 16, NUMËR 6,
SHTATOR 2014

1. Vendim i Këshillit Mbikëqyrës nr. 48, datë 27.08.2014, "Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes"
2. Vendim i Këshillit Mbikëqyrës nr. 49, datë 27.8.2014, "Për lirimin nga detyra të drejtorit të Departamentit të Burimeve Njerëzore të Bankës së Shqipërisë"
3. Vendim i Këshillit Mbikëqyrës nr. 53, datë 24.09.2014, "Për mbajtjen e pandryshuar të normës së interesit të marrëveshjeve të riblerjes dhe të anasjella të riblerjes"
4. Vendim i Këshillit Mbikëqyrës nr. 54, datë 24.9.2014, "Për miratimin e "Raportit të Stabilitetit Financiar për gjashtëmuajorin e parë të vitit 2014""
5. Vendim i Këshillit Mbikëqyrës nr. 55, datë 01.10.2014, "Për disa shtesa dhe ndryshime në rregulloren "Për licencimin dhe ushtrimin e veprimtarisë së bankave dhe degëve të bankave të huaja në Republikën e Shqipërisë""

Botuar nga: Banka e Shqipërisë
Sheshi "Skënderbej", nr. 1, Tiranë
Tel : + 355 4 241 93 01 / 02 / 03; + 355 4 241 94 09/10/11
Faks: + 355 4 241 94 08
www.bankofalbania.org
E-mail: public@bankofalbania.org
Tirazhi: 350 kopje
Shtypur në shtypshkronjën "Albdesign".